

ՖԱՐՂԱՆԻ (Թ դար)

Նրա լրիվ անունն է Արու-լ-Արրաս Ահմադ իրն Մուհամմադ իրն Քասիր ալ-Ֆարղանի: Դատելով անունից ծնվել է Ֆարղանայում՝ Միջին Ասիայի Սողդերկրում, որն իրանական բնակչություն ուներ:

Ծանոթ է իբրև աստղաբաշխ և աշխարհագրագետ: Ըստ մատենագրական տվյալների ապրել է Մամունի (813-833) օրոք և դեռ կենդանի է եղել Մուտավաքքիլ խալիֆայի մահվան (861) տարում, քանզի Աբու-լ-Մահասին իրն Տաղրիբիդին (ԺԵ դ.) վկայում է, որ այդ տարում Մուտավաքքիլը Ահմադ իրն Քասիր ալ-Ֆարղանիին ուղարկեց Ֆուսթաթ (Եգիպտոս)՝ հսկելու նեղոսաչափի (նիլոմետր) կառուցման աշխատանքներին:

Նրա մեծ աշխատությունը, որի ձևագրի օրինակները գտնվում են Օքսֆորդում, Փարիզում, Կահիրեում, ինչպես նաև Պրինստոնի (ԱՄՆ) համալսարանի գրադարանում, տարբեր վերնագրեր ունեն՝ «Ջավամի Իլմ ալ-Նուջում ու ալ-Հարաքատ ալ-Սամավիյա» (Ժողովածու աստղաբաշխության և երկնային շարժումների), «Ուսուլ Իլմ ալ-Նուջում» (Աստղաբաշխության օրենքներ), «ալ-Մուգլսալ Իլա Իլմ Հալատ ալ-Աֆլաք» (Ներածություն մոլորակների կառուցվածքի գիտության) և «Քիտաբ ալ-Ֆուսուլ ալ-Սալասին» (Երեսուն դուրսերի գիրք):

Այս աստղագիտական երկը միջնադարում (ԺԲ դ.) թարգմանվել է լատիներեն ձովհան Իսպալենսիսի և Ժերար Կրեմոնացու կողմից: Թարգմանվել է նաև եբրայերենի: Լատիներեն թարգմանությունը հրատարակվել է Ֆերրարայում՝ 1493-ին, Նյուրենբերգում՝ 1537-ին և Փարիզում՝ 1546-ին: Ցակոբ Քրիսմանը այն եբրայերենից թարգմանել է լատիներենի, որը տպագրվել է Ֆրանկֆուրտում՝ 1590-ին: Ցակոբոս Գոլիուսը հրատարակել է արաբերեն ընադիրը, լատիներեն թարգմանությամբ և ծանոթագրություններով 1669-ին Ամստերդամում:

Բացի այս գլխավոր երկից, որը եվրոպացի աստղաբաշխ Ռեզիոմոնտանոսից առաջ, բոլոր արաբ աստղաբաշխների գործերից ամենահայտնին էր եվրոպայում, Ֆարղանին գրել է նաև երկու գիրք աստրոլաբների (աստղաբաշխական գործիք) մասին, գրել է նաև երկու գիրք՝ «ալ-Քամիլ ֆի-լ-Ասթուրլաբ» (Լիակատար տեղեկություններ աստրոլաբի մասին) և «Ֆի Սանաատ ալ-Ասթուրլաբ» (Աստրոլաբների պատրաստման արվեստը), որոնցից ձևագրեր կան Բեռլինում և Փարիզում:

Ֆարղանիի աստղաբաշխական երկը լրագրացած է Երեսուն գլուխ-

ներից (ֆասլ): Թարգմանել էնք առաջին և իններորդ գլուխները. իսկ մնացած գլուխները աստղաբաշխության ևն վերաբերում՝ մոլորակների, աստղերի, լուսնի և արևի խավարման, մոլորակների երկրից ունեցած հեռավորության և այլ հարցերի մասին:

Արամ Տեր-Ղևոնդյան

(*al-Farghani, H. Suter [J. Vernet], EOI, CD-ROM, (II: 793a)*)

ՏԼ՝Ս.

Muhammedis fil. Ketiri Ferganensis, qui vulgo Alfraganus dicitur, *Elementa astronomica*, Arabice et Latine. Ed. Jacob Golius, Amsterdam, 1669.